


L.
L.6688.
2. ~~77~~



6688. ~~Feb 7~~

8° br.

COMPENDIARIA METROPOLIS CARNIOLIÆ DESCRIPTIO

TOPOGRAPHIA GERMANIE AUSTRIACÆ
CAROLI GRANELLI S. J.
EXCERPTA, ET AUDITORIBUS OBLATA,

DUMM
ASSERTIONES
UNIVERSA PHILOSOPHIA
IN ARCHIDUCALI, ET ACADEMICO SOC. JESU
COLLEGIO LABACI

Anno M. DCC. LXVI. Mense Augusto, die

PUBLICE PROPUGNARENT
ERUDITUS, ac PERDOCTUS DOMINUS

MICHAEL CASTELLIZ

Carniolus Labac. e Seminario Soc. JESU,

ERUDITUS, ac PERDOCTUS DOMINUS

SIMON SCHILLITZ

Styrus ex Fano S. Petri. Philosophi Absoluti

EX PRÆLECTIONIBUS

**R. P. JOANNIS BAPTISTÆ
POGRIETS NIG**

e Soc. JESU, Philosophiæ Professoris publ. & ordin.

LABACI,


Typeis JOANNIS FRIDERICI EGER, Inclyt. Provinc. Carniol. Typographi,



*Nihil fingendum, aut excogitandum, sed invenien-
dum, quid natura ferat, aut faciat.*

BACO DE VERULAMIO.

03002340F



ASSERTIONES EX LOGICA, METAPHYSICA, ET JURE NATURÆ.

I.

Logicæ nomine ea disciplina venit, quæ mentem in formandis, componendisque, aut separandis ideis dirigit, quave ceteræ scientiæ veluti instrumento ad verum inveniendum, ordinateque explicandum utuntur: & cum abjudicari nequeat menti humanæ perceptio-nes suas consociandi, dividendi, alteram ab altera abstrahendi, aut ignotum e noto inferendi potestas, ideas innatas inter figmen-ta merito computamus.

II. Ea Philosophiæ pars, quæ res a materia seu cogitatione nostra, seu reapse abstractas contemplatur, Metaphysica appellatur. Mundus non existit ex omni æternitate, ut quidam cum Aristotele somniare videntur, sed est ali-quo temporis initio de nihilo creatus.

III. Mundus est opus sicut Divina prorsus Sapientia conditum, ita fini, quem DEUS in creatione intendit, plane conforme, ac propterea suo in gene-re perfectum.

IV. Verisimilius est, & communi hominum sensui, & statis naturæ legi-bus magis consentaneum, causas creatas etiam corporeas non esse meras effe-ctuum conditions, sed vim vere, ac proprie effectricem habere.

V. Quamvis naturæ leges relate ad causas secundas necessariæ prorsus sint, ac stabiles, a libera tamen Authoris potestate pendent, suntque mutationi ob-noxie; hinc vera miracula effici posse Divina virtute consectetur est.

VI. Mens hominis diversa est a corpore substantia, rationalis, natura sua immortalis: probabilius tunc creatur, quando ea habetur corporis organici in fœtu dispositio, quæ ad obeundas præcipuas vita functiones sufficiat.

VII. Mirabilis mentis cum corpore consociatio neque in systemate causa-rum occasionalium, neque per harmoniam præstabilitam recte exponitur, sed per influxum physicum, & per mutuam utriusque substantiæ in actionibus suis a se dependentiam.

VIII. Brutis tribui debent motus spontanei, & quædam cognoscendi vis; sunt igitur illorum animæ a materia alienæ, omni tamen ratiocinandi facultate destitutæ.

IX. DEUM, seu Ens infinite perfectum existere validis adeo argumentis ostenditur, ut incredibile videatur fuisse unquam atheos theoreticos: Ejus providentia non solum universa, verum etiam singula administrantur; quare frustra contendunt minuti illi philosophi, qui hanc de medio tollere adlaborant.

X. Vera hominis felicitas in statu naturæ spectati non est possessio ullius boni creati, nec alia esse potest, quam cognitio, & amor DEI: Via ad hanc beatitudinem, & quædam inchoata beatitudo sunt actus boni, normæ a DEO præstitutæ conformatæ.

EX PHYSICA.

I. **P**Hysica, seu scientia rerum naturalium scrutatur corpus sensibile, illius principia, attributa, vires, viriumque leges, ac mensuram partim diligenti phænomenorum observatione, partim institutis experimentis investigat. Principia physica corporum statuuntur moleculæ minimæ mutuis viribus præditæ, quibus jam ad mutuum accessum, jam ad recessum pro distantiarum varietate determinantur, quarum virium existentiam, & legem positiva argumenta invicte comprobant.

II. Lex ista virium exhibetur linea curva, quæ in duos ramos asymptoticos indefinite excurrens, circa axem flexa, accessu suo, & recessu, variisque intersectionibus & distantiarum, & actionis rationem definit. Quippe abscissis distantias experimentibus, ordinatæ vires exponent vel repulsivas, vel attractivas, prout jacuerint ad partes prioris cruris asymptotici, vel oppositas.

III. Ex hac virium mutuarum lege præcipue corporum affectiones, quæ difficiles ceteroquin explicatus habent, sua fere sponte fluunt: Impenetrabilitatem explicat crus primum asymptoticum; imminutis enim in infinitum distantius vires repellentes ita in infinitum augentur, ut a nulla creata vi superari possint, imo contactus omnis verus, & mathematicus excluditur.

IV. Ex impenetrabilitate consequitur extensio, & in eo sita est, quod ob impenetrabilitatem puncta alia sint extra alia, nec omnia jaceant in eadem rectâ, nec in eodem plano omnia; adeo tamen proxima sint multa, ut eorum intervalla omnem sensum effugiant: Inde figuræ, molis, continui physici præclara idea nascitur. Massa est ipse particularum ad corpus pertinentium numerus.

V. Massa ad molem relata densitatem suppeditat; densitatis nempe mensura est massa per molem divisa. Cohæsio partium inde oritur, quod particulæ in iis consistant limitibus, in quibus transitur a vi repellente in minoribus distantis ad vim attrahentem in majoribus: vel in iis ponantur intervallis, quibus ordinatæ cis, & trans axem sat magnæ, & æquales respondeant; sic enim comparatae partes figuram suam tuebuntur, & divisioni fortiter resistent.

3

VI. Inertia corporum provenit ex inertia singularum molecularium: Vis illius positiva, seu conservandi statum motus, & quietis, & agendi adversus alia nec ab impenetrabilitate pendet, nec a gravitate, aut materiæ indifferenter, nec ab impulsu quodam externo efficitur; hinc diversa est ab aliis proprietatibus corporis affectio.

VII. Mobilitas, & motus ex virium natura ultiro promanant: Præcipua, quæ in motu spectantur, sunt directio, velocitas, motus quantitas, & vis motrix. In motu æquabili spatia confecta sunt in ratione composita temporum, & celeritatum: In uniformiter accelerato, vel retardato, ut eorundem quadrata; motu autem composito ex æquabili, & accelerato, vel retardato parabola describitur. Motus quantitas respondet massæ in celeritatem simplicem ductæ.

VIII. Leges collisionis ex æqualitate actionis, & reactionis sequentes eruuntur: Si corpus perfecte durum in alterum itidem perfecte durum incurrat, eadem celeritate progrediuntur; hinc celeritas communis post ictum erit
$$= \frac{MC}{M+m}$$
. Si unum lentius præcedat, alterum celerius sequatur, communis celeritas post ictum erit

$$= \frac{MC+m}{M+m}. \quad \text{Si contrariis directionibus, sed viribus inæqualibus concurrent, eadem erit} = \frac{MC - mc}{M+m}: \quad \text{Et motu ad eandem plagam relatio, eadem post ictum erit motus quantitas, quæ ante ictum. Si corpus perfecte elasticum in alterum quiescens itidem perfecte elasticum incurrat, incurrens post ictum duplam quantitatem motus amittit illius, quam amississet, si utrumque fuissest perfecte durum, & quiescens duplam quantitatem motus illius adquirit, quam adquisivisset in eadem hypothesi; hinc celeritas incidentis post ictum} \\ = \frac{MC - mc}{M+m}, \quad \text{et quiescentis} = \frac{2 MC}{M+m}.$$

IX. Vires motrices sunt variarum originum: Principem inter has locum obtinet gravitas; hujus phænomena, quæ nec per Cartesii vortices, nec per ullam aliam impulsione explicari possunt, ab attractione deducimus. Hæc non solum ad corpora terrestria, sed ad solem etiam, & ultimos planetas pertinet. Est mutua, massis directe proportionalis, & proxime rationem reciprocam duplicatam distantiarum sequitur, quam crus alterum hyperbolicum curvæ exponit.

X. Vis gravitatis acceleratrix distinguitur a pondere: In eodem terræ loco, ac in modicis a superficie distantibꝫ constans est sive in corporibus libere cadentibus, sive descendenteribꝫ per planum inclinatum; hinc spatia singulis tempusculis confecta per numeros impares crescere necesse est. Si corpus in plano inclinato moveatur, ratio sinus ad radium vim obliquam designat comparatam cum perpendiculari: Huc revocantur pendula, quæ si inæqualia fuerint, viribusque inæqualibus per arcus similes oscillentur, erunt tempora oscillationum, uti \sqrt{LMg} : \sqrt{lmG} , & $N: n = \sqrt{LMg}: \sqrt{lmG}$. Quod oscillantibus etiam chordis convenit.

XI. Punctum corporis, circa quod pressionum effectus in æquilibrio consistunt, & quo sustentato totum corpus quiescit, centrum gravitatis dicitur.

Scientiam aliquid vel virium, vel temporis compendio movendi, aut efficiendi Mechanicam adpellamus: quidquid ad hoc compendium facit, machina erit vel simplex, vel composita. Simplices sunt vetus, & planum inclinatum, ad quas ceterae referuntur; id universim in omni machina obtinet, si potentia rationem reciprocam celeritatum, seu spatiorum percurrentorum sequatur, in aequilibrio constituetur cum pondere.

XII. Ingens virium in minimis distantias discriminem, e quo præcipue corporum solidorum, & fluidorum phænomena, tantaque fæporum, odorum, fermentationum, cohærentiarum varietas dependet, oritur partim ex numero, figura, mole, partim ex distributione, ac positione punctorum in diversis particulis diversa; si nempe particularum figura plurimum a sphærica recesserit, vel distributio punctorum intra particulam inæqualis fuerit, ea omnia, quæ ad soliditatem pertinent, sequi necesse erit ex vi in latus, & limitibus utrinque validis: quodsi post exiguum a limitibus intervallum aut nulla sit actio, aut tanta repulso, ut omnes sequentes attractiones supereret, corpus non tantum solidum, sed & rigidum erit, ac fragile.

XIII. Si autem vires hinc, & inde a limite ex mutata punctorum positione minores evaserint, corpus quidem solidum manebit, sed flexile insuper, ac ductile, si ibi frequentissimi, & proximi extiterint limites: Elasticum fiet, si vires utrinque ad majores extendantur distantias arcubus utrinque axem sub exiguo angulo secantibus; elasticitatis itaque phænomena a viribus dicto modo attractivis, & repulsivis derivantur, quæ nec per solam attractionem, nec per solam repulsionem, nec per fluidi ullius actionem rite explicari possunt.

XIV. Sonus in ipso corpore sonoro spectatus est ejus affectio ex motu tremulo partium minimarum elasticarum oriunda; soni gravitas, & acumen a numero pulsuum intra idem tempus peractarum, intentio vero tonorum a singularium vibrationum magnitudine dependet: Illud vero inter hypotheses magis, & ingenii acumina, quam inter veritates physicas computandum videtur, aërem ordinarium ad soni propagationem non concurrere, & ad diversos sonos diversas aeris particulas pertinere.

XV. Fluiditas corporum habetur ab ea molecularum comparatione, ut vires fere in omnem partem æquales sese exerant, facileque circa axem suum, & centrum citra sensibilem resistentiam converti possint. Porro fluidorum aequilibrium ex æquali cuiusvis particulae in omnem plagam pressione obtinetur, seu in fundo, seu in lateribus, seu in medio existat: In tubis communicantibus fluida erunt in aequilibrio, si eorum altitudines perpendicularares fuerint reciproce, ut gravitates specificæ. Pressio in fundum vasis horizontalem aequaliter factæ et superficie fundi in altitudinem, quæcumque sit vasorum figura.

XVI. Si fluidi cuiuspiam partes minus ab se in vicem, quam a vitro trahantur, fluidum in tubulis capillaribus ultra libellam adsurgit, & quamvis ad hanc fluidorum elationem tota interior superficies pedetentim concurrat, cylinder tamen fluidi in diversis altitudinibus spectatus sola vi annuli supra summam ejus superficiem constituti elevatur ultrâ libellam, estque altitudo in diversis tubulis in ratione inversa diametrorum, quantitas vero diametris directe respondet.

XVII. Vis fluidum attollens, ac sustinens non est tota, & absoluta vitri attractio, sed excessus duntaxat attractionis tubuli supra mutuam actionem fluidi,

di, nimirum =V-v, & substitutis peripheriæ diametris =Vd.vd; hinc cum hæc differentia pro varietate fluidorum multimodis variari possit, datur ratio, cur non omnia fluida ad eandem evanescunt altitudinem: & quia mercurii cohærentia vim vitri exsuperat, patet, cur mercurius infra libellam deprimatur.

XVIII. Ex varia gravitatis lege, & motus projectilis ad temperatione omnium generis curva, seu tractoria describi potest a mobili: Quæcumque vero describatur circa centrum aliquod, radius vector verrit areas temporibus proportionales; hinc celeritas in diversis orbitæ locis, seu arcus eodem tempore descripti sunt reciproce, ut perpendicularia ad tangentes eorum locorum demissa.

XIX. Mobile in circuli peripheria incendens, uniformi ubique celeritate, centralibus viribus in nullo peripheriæ puncto variatis, fertur; in diversis circulis vis centripeta respondet quadrato celeritatum directe, & diametris, seu radiis reciproce: Si circa focum ellipsoes motus peragatur, vis gravitatis est in ratione reciproca duplicata distantiarum, & quia quadrata temporum periodorum proxime æquantur cubis distantiarum, celeritates mediæ, quibus diversi planetæ orbitas suas percurrunt, sunt ut radices distantiarum mediarum a sole reciproce sumptarum.

XX. Hac theoria cum observationibus mire consentiente necessario, & legitime inferimus, per universalem, mutuanque cœlestium corporum gravitatem cum vi projectionis æquabili conspirantem tam primariorum, quam secundariorum planetarum motus, quibus efficiendis materia ætherea etiam voracis mota non sufficit, recte exponi.

XXI. Hac vi duplici acti planetæ primarii circa solem, secundarii circa primarios describent ellipses diversæ excentricitatibus, & inclinationibus ad eclipticam. Inter planetas primarios locum obtinet Tellus nostra in systemate Copernici, quod explicandis cœlestium corporum phænomenis præ Tychonico satisfacit. Lunæ, ac omnium satellitum motus inæqualitates ex iisdem pendunt principiis.

XXII. Adparens, isque rapidissimus stellarum fixarum motus ex motu vertiginis terræ, constantes anni vicissitudines, dierum, noctiumque varia longitudo e terrestris axeos parallelismo, & inclinatione ad planum eclipticæ 66° . & $31'$. felici consecutione deducitur. Planetarum superiorum æque, ac inferiorum observatæ stationes, retrogradationes, & progressiones e differentia temporis periodici telluris, & planetarum innoscunt.

XXIII. Phases lunæ, aliorumque errantium corporum a varia illorum respectu solis, & terræ positione consequuntur; quod si plenilunium vel in ipso nodo, vel prope illum eveniat, luna umbram terræ ingrediens parte luminis privabitur, vel toto: Telluris autem eclipsis, quam soli vulgo assignant, fit, dum lunæ cum sole conjunctio, seu novilunium vel in ipso nodo, vel in ejus vicinitate contingit.

XXIV. Vero admodum est simile, solem hunc nostrum adspectabilem vastissimum quemdam esse globum, motibus intestinis naturam corporum ardenterum æmulantem, ingenti undequaque igni copia ejecta. E maculis solaribus in superficie lentissime motis probabilius videtur, soli competere motum vertiginis circa axem ab occasu in ortum.

XXV. Figura telluris ad sensum, & relate ad observationes plerasque astronomicas sphærica, collatis graduum, & oscillantium pendulorum calculis elliptoidica

ptoidea esse deprehenditur, depressa ad polos, & ad æquatorum protuberans. *Aëstus* marini in tellure nostra a mutua solis, lunæ, terræque gravitatione efficiuntur.

XXVI. Cometæ sunt probabilius quoddam planetarum genus mundo cœvum, qui in orbibus valde excentricis, ac in perihelio ab arcu parabolico ad sensum minime discrepantibus moventur; horum seu caudæ, seu barba, seu crines non aliud videntur esse, quam exhalationes actione solis maxima copia excitatae, & dum soli viciniores evadunt, ab hujus atmosphæra in aversam a sole partem propulsæ, quæ solares radios ad nos reflectunt.

XXVII. Lumen est effluvium tenuissimum linea proxime recta, nisi quantum refractione detorquetur, e corporibus lucentibus ad nos successive, & velocissime delatum motu æquabili fine illa resistentia in medio homogeneo; intensitas illius decrescit in ratione inversa duplicata distantiarum.

XXVIII. Reflexio lucis sub eodem cum incidentiæ angulo. & in eodem plano non sit in ipsa corporis reflectentis superficie. Quod si luminis velocitas actione medii augeatur, vel minuatur, sequetur refractio cum accessu ad perpendicularum, aut recessu pro ratione majoris vel minoris attractionis: ratio tamen sinus anguli incidentiæ constans est ad finum anguli refractionis. Phænomena variarum lentium a refractione, speculorum vero a reflexione lucis pendebant.

XXIX. Diaphana dicuntur, quæ lumen transmittunt, opaca, quæ illud absorbent: Illa, quantum ad vires in lumen agentes attinet, homogeneis fore partibus, hæc heterogeneis constant. In quovis radio innumera sunt stamina constantem, & diversam refrangibilitatem, & colorem habentia: Color albus enascitur e radiorum omnis generis quodam temperamento, ut nulla species ceteris dominetur, sed in æquilibrio sint omnes inter se.

XXX. Radii refractione a se invicem separati principales illos septem prismaticos colores exhibit, qui nova, ac repetita transmissione non immutantur. Phænomena iridis a diversa luminis refrangibilitate repetuntur. Colores corporum proveniunt a tenuibus, ac pellucentibus eorundem lamellis, quæ pro varia crassitudine radium compositum veluti dissuant, ac separent, certique generis stamina reflectant, transmissis, aut absorptis ceteris.

XXXI. Ignis proprietates sunt ingens subtilitas, corporum rarefactio, calor, ejusque diffusio ad æqualitatem, quibus expensis satis luculente efficitur, ignem elementarem, repudiato illo ætheris oceano, esse materiam lucis cum oleo corporum ardentium fermentantem.

XXXII. Quod si major sit particularum nexus, quam ut corpus inducta fermentatione dissolvi possit, oscillationes nihilominus in ejus moleculis ortæ, & motus moderatior ideam caloris excitabunt; facta quoquo modo motus partium imminutione generabitur frigus respectivum. Glacies nascitur mutua attractione particularum liquoris sublato æquilibrio ignis interni, & externi.

XXXIII. Aer est fluidum sui generis, pellucidum, elasticum, & quamvis mira corpusculorum heterogeneitate inficiatur, propria tamen, & distincta gravitate præditum; ex qua gravitatis actione, & continua pressione varia mercurii altitudo in tubo Torricelliano, syringarum, antilarum, siphonum, aliaque phænomena manifeste profluunt.

XXXIV.

XXXIV. Fontium origo una statui non potest; quidam enim, iisque intermitentes a nivibus, & pluviis proveniunt: alii scaturiunt a sublatis e mari vaporibus, & in petrarum cavitatibus receptis; neque desunt dulces etiam, & perennes fontes, qui ortum suum a marinis halitibus per subterraneos, & liquos meatus transmissis ducunt.

XXXV. Ad explicationem magnetis actiones pure mechanicas, hactenus detectas, non sufficiunt, sed interveniunt vires a gravitatis principio non distinctas, & ad actionem magis sensibilem a circumstantiis quibusdam nondum satis exploratis determinatae.

XXXVI. Fluidum electricum est materia elastica admodum subtilis, per omnia corpora terrestria quodammodo aequilibrata, turbato aequilibrio ex eo corpore, in quo abundat, in aliud sese diffundens, i. quo respective minor datur illius copia; dependent itaque electricitatis effectus a motionibus hujus fluidi ad aequilibrium se restituenteris.

XXXVII. Vapores sunt fluidum tam rarum, & specifice leve, ut per gravitatis leges ab aeris pressione, accidente saepius vi electrica, ad certam altitudinem elevantur: Generantur per resolutionem corporum maxime liquidorum, & mutatos cohaesonis limites.

XXXVIII. Si effectus fulminis, & ictus fortioris alicujus electrici corporis spectentur, tanta deprehenditur in utrisque convenientia, ut vix alia re discrepare, quam magnitudine videantur; quare tempestates fulmineae potissimum electricitatem terrae, & nubium sive per excessum, sive per defectum electricarum adscribi possunt. Ab eadem materia electrica, a spatiis aequatori vicinis versus polos defluentes, congrue repetitur aurora borealis.

XXXIX. Pluviae quandoque oriuntur a vaporibus electricis, qui fluido illo suo expandente spoliuntur; alias præcipitatione quadam, atque interpositione particularum heterogenearum, quarum viribus iterum uniantur moleculæ: Vapores congelati in nives, guttae aut frigore, aut heterogenearum partium immixtione consistentes in grandinem abiunt.

XL. Ex constanti, & aequabili propagatione, pulcherrimoque organorum nexu non difficulter evincitur, plantas omnes verisimilius provenire e proprio, sive speciei semine, quod non sub initium creationis productum est, sed ab ipsa planta generatur.

EX MATHESI.

I. **Q**uantitates algebraicas cum integras, tum fractas addere, subtrahere, multiplicare, dividere.

II. Proportionem geometricam invertere, alternare, componere, dividere, duplicare, triplicare.

III. Anguli verticales, alterni, externus, & internus ad eandem partem sunt aequales; in triangulo rectilineo omnes tres anguli = 180° : angulus vero externus = duobus internis oppositus.

IV. Si in duobus triangulis tria latera homologa sunt proportionalia, vel duo latera, & anguli intercepti aequales, triangula sunt similia.

V. Si ex angulo recto trianguli rectangulari demittatur perpendicularis ad hypotenusam, ea dividet triangulum in triangula tum inter se, tum toti similia.

VI. Quadratum hypothenusæ æquatur quadratis Cathetorum.

VII. Angulus ad peripheriam est subduplicis anguli ad centrum eidem archi insistentis.

VIII. Ad duas lineas rectas invenire tertiam , vel primam , vel medium proportionalem.

IX. Superficiem, & soliditatem prismatis, cylindri, pyramidis, coni, sphæræ invenire.

X. Aream parallelogrammi, trianguli, polygoni regularis, aut irregula-
ris, circuli, sectoris, segmenti circuli determinare.

XI. In triangulo sinus angulorum sunt ut latera opposita.

XII. Item summa duorum laterum est ad differentiam, ut tangens semi-summae angulorum ignotorum ad tangentem semi-differentiarum eorum.

O. A. M. D. G.



LECTOR BENEVOLE!

Prodit in novam lucem e Topographia Germaniae Austriae, quam eruditissimus Vir Carolis Granelli S. J. in sua quondam ediderat juventute, Compendiaria Metropolis Carnioliae descriptio, antiquam, & novam Urbis faciem complexa, retento Auctoris stylo majoris claritatis gratia totam epitomen suos in numeros partiti sumus, paucis pro temporis varietate vel additis, vel immutatis. Lector hanc nostram gratificandi voluntatem boni consule, & vale.

LAbacum vulgo indigenis Lublana, Germanis Laybach, Italis Lubiana præclara, venustaque Urbs subest latitudinis gradui 46. min. 2. longitudine vero gradui 32. min. 5. & 27. milliarium itinere Græcio in Meridiem abest. Muro cingitur 6. portis aperto, si etiam aquatica in calculum veniat, quarum ternæ totidem respiciunt Suburbia nautis, & piscatoribus plurimum repleta. Principem locum has inter hodie obtinet aulica, ita ab adiuta aula Ducali nominata, ad quam Labacensis Civitas Carolo VI. Cæsari elegans secto e lapide struxit monumentum, cuius supremam partem ejusdem Augufti effigies, Carrariensi e marmore gnave efficta occupat, hac adjecta Epigraphe: Carolo VI. Romanorum Monarcha, Germ. Hispan. Hungar. Bohem. Regi, Archiduci Austria &c. hanc urbem ad accipiendum a Ducatu Carniola homagium ingredienti S. P. Q. Labaz anno 1728. Bifarium illam fecat cognominis fluvius, qui adeo lenti progrederit aquis, ut, in quam partem defuat, ægre ab oculo discernatur, donec declivem nactus alveum velocius in Savum irrumpat. Hunc, prout infraclare patebit, Nauportum vocavit Plinius, & Strabo, sed hic alibi Corcoram dixit, ubi a Lazio erroris arguitur non sine ratione suspicante in Gurca Carniolæ amne antiquorum Corcoram perennare, non autem in Labaco duobus milliaribus inde diffuso. Interim fluminis Corcoræ nomen cum Savo junctum fuisse videtur ab annalium Francorum authore, dum Carniolenses refutulit ad Carcasavum habitare. Ita Labacus

pluvia, aut solutis nivibus auctus interdum intumuit, an. scilicet 1190. & 1537. eusdemque seculi 59. ut cuncta Oppidi, vel Civitatis compitæ perva-
dens ubique navigia pataretur.

II.

Civitatis formam primo induit Labacum anno 1416., quo fervente in-
colarum industria non modo accumulari ædes, sed & tennes muri circa
eandem duci coepérant, hoc Civium molimine dein a Friderico IV. Cæsare
sub annum 1475. ita promoto, ut Turcarum deprædantium insulsus atque
acererentur. Tandem ab anno 1520. usq[ue] ad ejusdem seculi 53. dejecto priore
opere utpote ad Urbis tutelam minus idoneo, aliud validius aggreſſu Labacen-
ses valla, & muros, hodieque extantes, intra excavatas fossas exerunt, Ferdinando I. Romanorum Rege magnam sumptuum partem illis suppeditante.
Penes Urbem attollitur collis denso virescens nemore, e quo in apice assurgit
Ducalis, amplaque Arx antiquos indicans natales, & ad ortum solidis incen-
bus, ad reliquas vero Orbis plagas aut triplici, sed veteri pariete, aut nullo
fere munimento vallata: Seculis superioribus supremi Provinceæ Praesides, quos
Capitaneos dicimus, eam inhabitabant, dein eorundem Burggravii; jam ab
anno 1752. Augustæ voluntate recipiendis militibus, dum stativa hic agunt,
ea inservit.

III.

Präsentis duntaxat Civitatis ortum, progressusque hactenus deduxi: at si ad
vetustiorem ætatem regredi luet, & veterum monumenta revolve, in
aliam longe antiquissimam, ac celeberriman incidemus Urbem, Æmonam vi-
delicet, five Hemonam, vel Hæmoniam, quam in hoc eodem solo quondam
floruisse, sed a Barbaris Romanum Imperium dilacerantibus postmodum dele-
tam, tot, tantaque firmant argumentorum pondera, ut inter Urbes, quæ pri-
sci nominis jacturam fecere, iis adnumeranda sit, quarum antiquatam sedem
certissima alia indicia posteritati manifestarunt, quidquid contra oggianiant
alienæ gloriæ invidi, aut geographiæ, historiæque ignari. Hanc sententiam
maxime tuetur, atque uberrimis veterum testimonio studiose collectis dilucidat
pereruditus Carniolicorum annualium author Schönleben, quem præiverunt duo
illustres geographi Ortelius, & Cluverius, aliquie complures, & novissime
subsequitur non minus clarus scriptor Cellarius: sed ad rem propius acceda-
mus. Ptolomæus postquam Superiorē Pannoniam ad Orientale Norici latus
fecus Cetium montem jam sæpius memoratum descripsit, ejusque Urbes recen-
suit, hæc postremo subjunxit: *In límite Italie sub Norico iterum Pannoniæ
Civitas Hemonæ*, ubi luculente docet Æmonam licet in Pannonia comprehen-
sam non ad Ortivam Norici plagam, ut reliqua illius loca, sed ad Austra-
lem extitisse, sicut Italia, inter quam, & Noricum ea Civitas interjicitur, ali-
qua scilicet Pannoniæ portione eousque protensa.

IV.

Quibus rite perpenſis vix aptiorem Æmonæ reperies campum, quam La-
bacensem districtum, utpote inter Istriam Italiam Provinciam, & eam No-
rici partem, Styriacam scilicet, quæ Pannoniæ adhærebat, inclusum. Certe
hic unus Ptolomæi textus Æmonam saltem Carniolam vendicat, si suis mo-
mentis

7

mentis sedulo expendatur. Unde audiendus modo Plinius Lib. 3. c. 25., qui verum ejusdem situm proprius monstrabit: *Quae pars, inquit ille, ad mare Hadriaticum spicit, appellatur Dalmatia, & Illyricum supra dilatam. Ad Septentriones Pannonia vergit, finitur inde Danubio. In ea Colonia Emona, Siscia, Annas clari, & navigabiles in Danubium fluunt, Drarus & Noricis violentior, Savus ex alibus Carnicis placidior.* Alibi vero clarius Lib. 3. c. 18. Argonavis flumine in mare Hadriaticum descendit non procul Tergeste: nec iam constat, quo summine. Humanis traxectam Alpes diligentiores tradunt. Subiisse autem Istro, dein Sao, dein Nauporto, cui nomen ex ea causa est, inter Emonam, Alpesque orienti. Sermo igitur hic Plinio fuit de alibus Tergestum, seu Istriam a Pannonia separantibus, inter quas, ac Emonam fluere Nauportum asserit, & in Savum effundi. Consule nunc Mappas, & pro libitu contemplare, an non Nauportus it ipse Labacum annis, qui ex iisdem alibus emanans Labacensem Urbem interfluit, & tandem Savo notissimo etiamnum flumini miscetur. Sane aliud flumen, qui Plinianae descriptioni exactius respondeat, ægre deprehendes. Unde Nauporto celebri quandam Urbi a Tauriscis ædificatae natum fuisse nomen existimare licet, quod oppidum hodie Hyperlabacum audit. Observandum hic autem est, aliam quidem Urbem sub Emonæ nomine a Plinio in Noricis censeri, sed geographorum pene omnium sensus errasse hunc authorem pronunciat, eadem scilicet Urbe in Pannonia, & Norico perperam collocata, cum nullus alias scriptor Emonæ in Norico meminerit, & primum fuerit in hujusmodi sphalma labi, siquidem in Pannoniæ, & Norici confinio Ptolomæus, ut vidimus, aliquique eam Civitatem descripsere. Interim non modo in Carniolia Emonam reperimus, sed & apud Labacum flumen aliquo post Nauportum Oppidum intervallo, quæ uni Labacensi Civitati quam optime convenient.

V.

Veterum geographorum Principibus primas dedimus; nunc autem Itineraria a tredecim circiter seculis ad nostram usque ætatem transmissa percurramus; Favet enim imprimis sententia nostræ Antoninianum, cuius itineris ductus cum suis milliaribus hoc ordine procedit, additis ex adversa parte recentibus nominibus, quæ cum antiquis coincidere aut manifesto patet, aut ex situ, & distantia eruditæ opinantur.

Concordia Civitas	M. P.	Concordia
<i>Aquileia Civitas</i>	<i>XXXI.</i>	<i>Aquileia.</i>
<i>Frigido fluvio</i>	<i>XXXVI.</i>	<i>Vipach.</i>
<i>Longatico mansio</i>	<i>XXII.</i>	<i>Logatez.</i>
<i>Hemona</i>	<i>XVIII.</i>	<i>Laybach.</i>
<i>Adrante mansio</i>	<i>XXV.</i>	<i>Dranberg.</i>
<i>Celeia Civitas</i>	<i>XXIV.</i>	<i>Celeia.</i>

Nec minus suffragatur Peutingeriana Tabula, ex qua apud Velsarum edita hoc itineris fragmentum ad rem nostram excerpst.

Savo fl. **M. P. Savus.**

<i>Emona</i>	VIII.	Laybach.
<i>Naupporto</i>	XII.	Oberlaybach.
<i>Longatico</i>	VI.	Logatez.
<i>In Alpe Julia</i>	V.	Alben, seu Planina.
<i>Fl. Frigido</i>	desunt	Vipach.
<i>Ponte Sonti</i>	desunt	Lisonzo.
<i>Aquileia.</i>	XIII.	Aquileia.

Demum Labacensi vetustati patrocinatur aliud Itinerarium mihi ignotum, quod Hierosolymitanum Schönleben vocat, ejusque partem hoc modo subdit:

<i>Aquileia</i>	M. P.	Aquileia.
<i>Ad Undecimum</i>	IX.	Undecimo.
<i>Ad fornulas</i>	XII.	Sanpafs.
<i>Castra</i>	XII.	Prat. five Poderai.
<i>Ad pinum summas</i>		
<i>Alpes</i>	IX.	Alben.
<i>Longatico</i>	X.	Logatez
<i>Ad Nonum</i>	IX.	Billiechgratz.
<i>Emona</i>	IX.	Laybach.

VI.

Concordant hæc antiqua cum hodiernis intervallis, si juxta geographorum regulam 4. passuum millia communis Germanico milliari adjudicentur, communi inquam; non enim me latet, plura intercurrere majora, & aliquando minora ob enormem Germanicorum milliarium inæqualitatem: ubi illud quoque præ oculis habendum, diversas scilicet ad eorundem terminum patere vias, nec ubique nobis innotuisse, qualem Romani triverint; unde si alicui nonnulla ex enumeratis distantiis a præsenti discrepare videatur, ejusmodi viarum mutationi id adscribi potest, vel etiam amanuensibus; quid enim facilius, quam in ea exemplaria adeo longa temporis intercedepine toties descripta mendum aliquod circa nun eros irrephisse? Tres præterea inscriptiones Labaci effossas, & Æmonæ nomine insignitas profert Schönleben, quarum unam hic subjicio, quia Legiones in hæc Urbe aliquando degentes colligi ex illa possunt: M. TITIO M. F. CL. TI. BARBIO TITIANO DECURIONI EMONE T. LEG. II. ADJUTRIC. ITEM LEG. X. FRENTENS. HASTATO. IN COH. LEG. II. TRAJAN. EXCORNICULAR. PR. PRO. LARCIA VERA FILIO PISSIMO L. D. D. Æmonam Labaci superesse, vel saltem in ejusdem vicinia secus Labacum annem extitisse, hand puto posse nunc ab eruditis in dubium revocari. Parum e contra itinerariis, aliisque relationibus hucusque allegatis respondet Iggium duobus miliaribus Labaco distitum, & a fluvio pariter remotum, quod Æmonæ successisse autumat Lazio; procul autem ab iisdem aberrat Blondi, & ejus sequacium sententia, qui Æmonam in Istria, ubi modo Civitas nova extat, agnoverunt.

VII.

Historicos igitur adeamus, ut, quæ de Æmona illi fastis commiserunt, tantum ad hodiernam Carniolæ Metropolim spectantia, perscrutemur. Antiquissimam imprimis originem Sozomenus, qui anno 440. florebat, his verbis exhibet, ex Basileensi anni 1562 editione desumptis: *Argonauta cum Etiam fuserent, non eadem sunt in redditu usi navigatione, sed traejeto mari Scytharum per hosce fluvios ad Italie terminos pervenerunt, ubi & hybernantis Civitatem considerunt, dictam Æmona. Ingruente vero aestate ope incolarum Argonavem circiter quadrincenta stadia arte mechanica per terram ad Aquilam fluvium traxerunt, qui Eridano miscetur. Consonat Zosimus, qui claruit anno 362., Æmonæ quippe ortum Argonautis pariter adscribit, circa translatam ad mare navem solummodo discors, de quo etiam antea Plinium, qua via, aut flumine ea transvecta fuerit, audivimus dubitantem. Æmonæ porro nomen huic Urbi a Jasone Argonautarum Duce inditum fuisse omnino videtur, ut patriæ suæ Æmonæ (postea Thessaliciæ appellatae) illustre in alienis terris erigeret monumentum, sicuti postremis duobus seculis familiare fuit Europæ gentibus, detectas in novo Orbe regiones, aut excitatas ibidem Colonias sumptis ex Europa nominibus distinguere, & dulci ea patriæ memoria partum ab ejusdem absentia mœrorem delinire. Argonautarum expeditionem anno mundi 2821., ante Christum 1232. juxta statutam a se chronologiam collocat Salianus, non decennio post, uti Schönleben perperam annotavit. Ricciolus 22. annos ex Saliani calculo demit, & anno ante Christum 1210. eandem adscribit, Æmonæ ætas plus quam 450. annis ipsius Romæ natales antecedit.*

VIII.

Si ex orientem suspeximus Æmonam, non minus eam admirabimur proficiens. Romanorum imprimis Coloniam huc deductam esse, e supra citato Pliniî textu edocemur, quod sub Octaviani Auguſti Imperio accidisse verofimile est. Ab eo tempore historicorum primus Æmonæ meminit Herodianus, Maximini ab a. 235. Imperantis iter e Pannonia in Italiam susceptum describens: *Maximinus, inquit ille, postquam ad Italiam fines pervenit, præmissis speculatoribus, qui explorarent, an uila in Alpium convallibus, atque densissimis sylvis infida delitescerent, ipse in planum dactis militibus, iubet armatorum acies quadrato agmine incedere, ubi autem totam planitatem servatis rite ordinibus transmisserunt, ad primam Italæ urbem peruentum est; qua Hamona ab incolis vocatur. Ea sita est in extrema planicie ad Alpium radices. Hic speculatores, atque exploratores exercitus narrant Maximino, vacuanam reliquam Urbem, aufugisse omnes incolas, templorum etiam, ac domorum januis incendio consumptis, atque omnibus, quæ vel in urbe, vel in agris fuerant, aportatis, --- Milites indigne tulerunt, quod ab initio statim fame laborarent; cumque noctem exigissent partim intra patientes domos, partim in planicie ipsa, statim sole oriente ad Alpes accesserunt. Observatione dignum hic est, quod Herodianus, etiæ Æmonam Italæ Urbem nuncupet, eam tamen Labacensibus non surripiat, imo iisdem confirmet, cum in planicie, quæ ex Pannonia proficiscentibus paulo ante alpes occurrit, clarissime circumscribat; quare vel dicendus est is author errasse, Æmonam Italæ includens, vel admittendum est, ea tempestate Italiam ultra alpium juga se extendisse,*

Cloriosorem hujus Urbis mentionem facit in Theodosii senioris Panegyrico Pacatus, dum aurea sua facundia solemnam exornat pompa, qua anno 388. Aemonenses Potentissimum illum Casarem de Maximo tyranno ad Sisciam, & Marcellino ejus fratre ad Petovium paulo ante cæso triumphantem excepere. Post condigna ergo utriusque victoriae encomia ita prosequitur Orator, cuius pereleganti dicendi stylo placuit nostrum quibusdam minus sapidum scribendi genus tantisper condire. Nec pia Hamonia, ajebat ille, cunctantius, ubi te affore nunciatum, impulsis effusa portis, obviam provolavit, & ut est omne desiderium post spem impatientius, parum credens patere vementi, festinavit occurfare venturo. Fingit quidem, ut scimus, timor gaudium: sed ita intimos mentis affectus proditor vulnus enunciat, ut in speculo frontium imago extet animorum. Velut illa Civitas a longa obfidae respirans, quod eam tyrannus alibus objacenter tanquam belli limen attriverat, tanta se & tam simplici exultatione iactabat, ut inesse vera letitia nimia videretur. Ferebant se obvia triumphantium ceteros, cuncta cantu, & crotalis personabant. Hic tibi triumphum chorus ille: e contra tyranno funebres manias, & carmen exequiale dicebat. Hic perpetuum videlicet abitum, ille vicitribus crebrum optabat adventum. Jam quacunque tulissent gradum, sequi, circumcurfare, procedere, vias denique, quibus ferebaris, obfruere; nullus cuique sui, tuique respectus blandam tibi faciebat injuriam. Quid ergo referant pro manibus suis festum liberæ nobilitatis occursum? conspicuus veste nivea Sacerdotes? Quid portas virentibas certis coronatas, quid auleis undantes plateas, accensisque funeralibus aulam diem? Quid effusam in publicum turbam domorum? gratulantes annis senes, pueros libi longam servitutem voventes? matres letas, virginesque securas? Nondum conseceras bellum; iam agebas triumphum. Haec Pacatus, quibus & frustra obsecram indicat a Maximo Aemonam, cum ex Italia in Pannoniam adversus Theodosium properaret, & quem splendoris gradum ea Civitas ascenderit, ob oculos ponit, dum magnificum Senatorum, Flaminum, & Sacerdotum explicat apparatus. Neque his fidem derogant quædam mendoza illius panegyrici editiones ex male descripto codice exortæ, in quo cum pro Hamona quidam legissent hac mora, sicut typis mandassent; sciolus aliquis videns sensum non apte cohaerere, ineptius ipse substituit Naronam, veteris quidem Illyrici Urbem, sed a Julii alibus remotissimam, per quas Aquileiam versus fugientem Maximum inde infuscatus a Pacato dicitur Theodosius, & ab Historicis omnibus confirmatur. Ceterum expresse Hamonia legitur in pervetusta editione anno 1513. Viennæ Austriae peracta, ex qua præmissum orationis fragmentum decerpsti, & Hamonam, seu Aemonam in suis exemplaribus extare, Schönleben, Cellarius, aliique complures attestantur. Par quoque error in easdem irrepsit editiones, dum pro Siscia, Fisia nusquam audita Civitas perperam supponitur. Secundo venerata est Aemonia Theodosium anno 394, quo is Eugenio, & Arbogasti ad alpes Julias obviam factus, famosissiman retulit victoram, quam ex veteribus uberioris dilaudant Jornandes, Ruffinus, Theodoritus, Orosius. Socrates, Sozomenus, aliique complures. Post Theodosium Aemonam accessisse fertur a Zosimo Lib. 5. Gothorum Rex Alaricus ex Pannonia in Italiam anno 400, cum exercitu contendens, nullo tamen damno affectam Urbem memorat, sed tantum Regem apud Hamonam castra locasse.

X.
Episcopalem Cathedram jam ab anno 70. **A**emonæ eretam conjicit Schönleben, quando nimirum a D. Hermagoræ Aquileiensis Præfulis discipulis Christiana lex per circumfitas oras propagabatur. Primus tamen, qui postea innotuit, ab eodem authore memoratur S. Maximus anno 254. sub Decii persecutione martyrii laurea coronatus in Urbe Assisa, quam Ptolomæus Lib. 2. C. 17. Liburnia Mediterraneis inferit, & diversa martyrologia, ac Sancti acta apud Henschenium congeta in Civitatem Asiam perperam commutarunt. Ibi igitur generofus hic athleta, cum a Christi labaro nec munerum spe, nec marinorum terrore avelli posset, Proconsulis jussu flagellis primum casus, dein equuleo tortus, tandem extra Urbem lapidibus obrutus viætricem animam cœlo transmisit. Sacra ejus exuviae Aemonam delatæ sunt, postea Romam, hinc vero ad novam Istriæ Civitatem, quæ, ut diximus, vetus Aemona nonnullis videbatur. Demum hinc quoque Venetias auctæ in S. Cantiani Ecclesia etiamnum quiescunt. Alterum Amonensem Episcopum nomine Maximum præfixum reperi Actis Concilii Provincialis anno 381. Aquileiæ celebrati, ut habetur Tom. 3. Conc. edit. Par., in quo a triginta duobus Italos, Gallis, & Pannonicis Episcopis, præsentibus Gallorum, & Afrorum Legatis, Palladius, & Secundianus Episcopi Arriani cum Attalo quodam Presbytero damnantur; additque in notis Binius, omnes, quotquot interfuerent, viros sanctos, famaque celebres, anniversaria commemoratione votis fidelium redivivos in Ecclesia vigere. His adjicit Inchoffer in App. ad Annal. Hungar. pag. 14. Castum in Damasi decretis laudatum, & tres alios Valvaforius nempe S. Florium, Genadium, & Joannem. Tertium, de quo constat, Amonensis Insulæ decus fuit Patrius Episcopus S. Ecclesia Emonensis, prout subscriptus legitur in Actis Gradensis Synodi an. 581. ab Aquileensi Patriarcha Elia convocata, idemque penitus est, qui in Barberino eorundem Actorum codice, quæ cum prioribus Schönleben allegat, Petrus Episcopus Emonensis nuncupatur. Ex his manifesto apparet, revixisse post excidium Aemonam, quo eam anno 452. ab Attila Hunnorum Rege prostratam conjiciunt scriptores, unde non nisi Slavorum, aut Longobardorum tempestate deletum dici potest primævum hujus Urbis nomen; horum enim Duces in Foro Julii degentes, uti ex Paulo Diacono Hist. Long. l. 4. c. 40. colligitur, non modico tempore Carniolæ imperitarunt.

XI.

Abolito nomine perennat nihilominus Labaci Civitas Episcopali dignitate non minus illustris. quam anno 1461. Fridericus IV. Imperator, annente summo Pontifice erexit, & primum insituendum præsentavit Sigismundum a Lamberti, adjectis Præposito, Decano, decemque Canonicis, qui Præfuli decori essent, & adjumento. Etsi vero horum numerus temporum via sex capitibus imminutus fuisset, hodie tamen a totidem gentilitiis Familiis Kirchberg, Wolwitz, Codelli, Lamberti, Flachenfeldt, & Schifferer se restitutum gaudet. Altero anno Pius II. Papa dato 5. idus Septembris diploma te Labensem Diœcesim ex Aquileiensis, & Salisburgensis partibus confiatam ab omni tum Patriarchæ, tum Archiepiscopi Jurisdictione immunem declaravit. Undeviginti haec tenus illa numerat Antistites a Ferdinando Cæsare, Friderici IV. Pronepote, etiam S. R. I. Principis dignitate exornatos, en-

gulorum

gulorum nomina : Sigismundus a Lamberg , Christophorus Rauber , Franciscus Kezianer , Urbanus Textor , Petrus Seepacher , Conradus Glutsch , Balthasar Radlmaier , Joannes Tautscher , Thomas Chön , Reinaldus Scharlichinus , Fridericus Otto Comes a Puechaim , Josephus Comes a Rabatta , Sigismundus Christopherus Comes ab Herberstein . Ferdinandus Comes a Khünburg . Franciscus Carolus Comes a Kaunitz , Guilielmus Comes a Leslie , Sigismundus Felix Comes a Schrattenbach , & Ernestus Amadeus Comes ab Attreis , anno 1757 . s. Decembris Viennæ vita funetus ; in eius locum electus 25. Januarii 1761 . LEOPOLDUS JOSEPHUS e Comitibus de PETRAZZIS Labacensem Ecclesiam sapientia summa religione , & felicitate gubernat , Cui Optime Antistiti longam vitam , & incolumentatem unanimi votorum confensione precamur .

XII.

EFluctu tandem ex veteris historiæ tenebris ad meridianam evasimus lucem , præsentem nimirum Labaci statum , quem modo lectorum oculis subjiciam , sacras Aedes de more præmittens . Hæ si ex Urbe , & Suburbis ad calculum reducantur , sexdecim universum colligentur . Cathedralis Ecclesia ad S. Nicolaum a nautis , & pescatoribus longe ante annum 1386. condita dicitur , quo scilicet flammis correpta concidit , sed in majorem amplitudinem inde a Friderico IV. Imper. ac Eleonora ejus Conjuge eyecta , a Thoma Chön , nono Antistite pluribus partibus decorata ; vetustate ipsa jam ruinam minitante anno primo seculi labentis diruta , atque ad majestatem , quam quisque in illa suspicit , inter annos quinque e fundamentis restituta Joannis Antonii Thalnitscheri de Thalberg , Decani , ac Vicarii Generali ope collectitia , ac incredibili cura . Post hanc amplissimum occurrit ædificium , Divi Caroli honoribus sacrum , in duas partes distributum , quarum una a Nobili , altera ab Ecclesiastica Juventute , aut etiam ætate jam fractis Clericis inhabitatur : completiur hoc etiam elegantem Bibliothecam , quæ publicis patet usibus . Omnia hæc post excitatam Cathedralem Basilikam , jam laudati Thalnitscheri munificentia , aut certe solitudine surrexere . B. Virginis MARIE Sacrarium Teutonicorum Equitum , olim Templariorum domui , seu Commendæ annexum , & ad instar Crucis efformatum , nova sua mole Magni nostræ ætatis Herois Guidonis Stahrenbergii , & trium Augustarum Eleonoræ . Amalie , & Elisabethæ munificentiam , atque pietatem deprædicat , in antiquis Aemonæ rudibus exstructum , cuius originem prolixa annorum series a viventium memoria removit ; Commendatorum tamen ibi residentium syllabum jam ab anno 1295. in Ortolino Hertenbergico orditur Valvasorius .

XIII.

Gloriosa ejusdem B. Virginis Assumptio in Minorum Sancti Francisci Templo primario colitur , quod an. 1403. assurgere coepit ex alterius ruinis anno 1073. D. Philippi honoribus a mercatore quadam Petro Baldaviz dedicati . Invalente Labaci hæresi abscesserant quidem eleemosynarum defectu Religiosi incolæ , sed restituta pristinæ integritati religione huc denuo remearunt , non straque ætate non solum Aedem sacram , sed & amplum Monasterium suum celesti Bibliotheca instructum ad modestam quandam elegantiam , & religiosum mitorem restituerunt .

XIV.

10

XIV.

Societatis JESU templum, quod maxima sui parte anno quarto seculi labentis instauratum elegantibus aris marmoreis plurimum a ceteris se distinguit, nactum est eximium sua fundationis scriptorem, nempe Thomam Chrön hujus Urbis Episcopum; cuius verba, prout ea Valvasorius refert, omisit tantum minus necessariis, hic subjiciam, ut ex ipso fonte totam rei seriem purius hauriamus; sic itaque exorditur: Cum anno Domini 1596. singulari Dei beneficio, & Serenissimi Archiducis Austria Ferdinandi zelo, ac destinatione, ad maiorem Dei laudem, & gloriam, animarumque Lutherana heresi ab annis 50. vel amplius misere seduttarum redutionem, & salutem in Adventu D. N. Iesu Christi, sub Reverendissimo in Christo P. D. Joanne Episcopo Labacensi, --- Labacum, & Diæcœlum ejus inclita Societas Iesu suisset ingressa, --- & primum in Monasterio Franciscanorum (tunc vacuo) perpetuum locum habitura, moxque propter loci angustias, aliasque difficultates ad S. Jacobum (ubi Xenodochium erat Casareum) Summo Pontifice, ac Principe Ferdinando consentientibus, transmigratione effet, capta est Collegii illic adiunctio, manente veteri S. Jacobi Templo tenebrioso, angusto, parvunque commodo. --- Machina interem Collegii Archiducalis permagnifice constructa, visum est Deo, Serenissimo Principi Ferdinando Fundatori, ac Reverendis Patribus dictæ Societatis Ecclesiæ Collegio conformem fabricare, ac veterem diruere, ut sequitur. In nomine Iesu, & Maria ego idem Thomas, qui supra, nonus Episcopus Labacensis, in festo Sanctissimorum Philippi, & Jacobi Apostolorum, qui fuit feria IV. & prima dies Mensis Maii (anno 1613.) posui primum lapidem pro Ecclesia nova in honorem Dei Omnipotens, ejusque magna Matris Virginis Maria, sub invocatione, ac titulo S. Jacobi Apostoli, S. Wolfgangi Episcopi, & S. Ignatii Lojole inclita Societatis Iesu Fundatoris tunc canonizandi Patronorum, Labaci in Collegio Archiducali adificanda.

XV.

A Nte Templi faciem speciosa expanditur area, cuius unum latus occupat Collegii structura, alterum vero frequentissimum Gymnasium, centum abhinc annis, & ultra Carniolæ Procerum beneficio extructum, quod fronti ejusdem inscripta Epigraphe, grata etiamnum ita loquitur: *ad Des novæ gy. Mnas II Labacensls: ære orDinVM CarniolIæ.* Tradebantur in hoc usque ad annum quartum seculi, quod vivimus, solum humaniores Musæ, & Moralis Theologia divisis per septem classes discipulis: inde liberali, & perpetua munificentia Procerum eorundem accessere Professores quatuor, qui hodie frequentem Scholasticam Juventutem etiam in Disciplinis Mathematicis, Logicis, Metaphysicis, Physicis, & Jure Pontificio ex mente Augustæ MARIAE THERESA informant; quo vero ampliores progreßiones faceret Philosophia, atque institutis experimentis in naturæ arcana inquireret, ab ejusdem Provincia liberalitate instrumenta necessaria obvenerunt. Neque læto carent successu literarii conatus, inter quos memoranda veniunt observations Veneris per diſcum solis anno 1761., 6. Junii transeuntis, ab hujate Mathematum Professore Joanne Baptista Schötelio singulari studio, & accuratione factæ, quæ celeberrimorum Astronomorum, & ipsius adeo Parisinæ Academiæ judicio approbationem tulerunt. Latus pateæ obversum Auditorium, nobili theatro in structum, in quo annis fere angulis de re literaria bene merita juventus eo-

etiam Ordinum munificentia præmiis donatur, occupat. Ex adverso Templi surgit ex ære constans Deiparae sine labe conceptæ colossum marinorum insitus columnæ, cuius basim Sanctorum Josephi, Achati, Ignatii, ac Francisci Xaverii Status, per quatuor distributæ angulos, exornant. Totius colossi stylobata binis suis inscriptionibus authores operis, & pietatem eorum ita posteris prodie prima: D. O. M. Maria Deipara V. que concepta sine macula originis, suppedanea Luna Triumphantrix anno M. D. C. LXIV. Ottomanicam Lunam a finibus Patrie averruncavit, voti rea Provincia Carnioliae jurata ejusdem Pure Conceptionis Propagnatrix M. P. Anno M. D. C. LXXXII. Altera: Del Matrl VIRGINI statVs Carnioliae pos. ex Voto. Antequam e Gymnasi vicinia discedamus, silentio prætereundum non est Seminarium Collegio ad plagam occidentalem conterminum, ubi prava olim dogmata grassante hæresi teneræ ætati cum literis instillabantur. Subinde pulsis Cæsarea Auctoritate errorum Magistris pauperum studiosorum contubernium Societatis JESU juribus traditum gloriofis SS. Donatiani, & Rogatiani titulis præfulgere cœpit; nunc partim pia Benefactorum liberalitate, partim proprio conviventium ære copiosam, & nobilem Juventutem in ipsis Patriæ optimas alit, cum insigni Religionis, Reique literariae in futura tempora incrementeo.

XVI.

D• Jacobi Ecclesiæ quantum magnitudine cedit, tantum vetustate eam superat S. Elisabethæ Tempellum, Civico Hospitali adhærens, quod anno 1386. eandem cum D. Nicolai Æde expertum est Vulcani fævitium: Profanaverant illud anno 1564. Luthericolæ, sed altero ineunte seculo Urbis Episcopus Thomas Chrön consuetis ritibus expiavit. Exiguæ pariter sunt quatuor aliæ Ecclesiæ, seu Sacella, quæ intra muros supersunt, videlicet una D. Fridolino sacra, quam vulgus a D. Laurentio denominat, quia festo hujus die illius dedicationem solemniter celebrat: altera D. Floriani ex piorum liberalitate post annum 1660., quo Urbem atrox afflxit incendium, ædificata; clariorem hanc annis posterioribus reddidit Virginis doloribus percitæ effigies, piorum clientium cultu, & grafis impetratis clarissima: tertia centum inde passibus in ipso monte occurrit, & præsente primum seculo honoribus Divæ Rosalia surrexit; quarta ad D. Georgium arci inclusa eo etiam titulo advenas invitata, quod in parietibus suis non solum Principum Carnioliae, sed & Provinciarum, ex quibus illa per vices coaluit, quin & supremorum omnium Provinciarum Capitanorum nomina, ætatem, & gentilitia scuta ab anno 1261. ad nos usque deducta, eleganter depicta exhibeat.

XVII.

Non minus splendidas, & plures DEI Domos exhibent suburbia: Inter haec eminet Parochialis, Divo Petro Apostolorum Principi dicata, viginti quinque sibi subditas, seu filiales, ut vocant, Ecclesiæ numerans, Veteri, quæ pluribus seculis supererat, cum ab anno 1385. ejusdem Pastorum nomina scriptis commissa reperiantur, nova, ampla, & magnifica, Vaticanam imitans, viginti, & septem abhinc annis est surrogata. Proximum locum tenet Eremitarum S. Augustini Templum, in cuius medio stat Lauretana Domus anno 1669. consecrata. Ternas hi Religiosi successi temporis obtinuere stationes: primam

11

primam iis una cum S. Martini Templo extra Urbem exerat Cœlensis Comes; at quia Cœnobium crebris Turcarum insultibus patebat, eosque a Civium e muris ejaculantium istib[us] tuebatur, an. 1494. solo æquatum est, Religiosis ad D. Jacobi Ecclesiam introductis, ad secundam nimirum stationem, quam an. 1553. deferuerunt. Tertia denique ab iis an. 1628. reversis in præsenti situ collocata, altero mox anno in cineres quidem abiit, sed ope munifici Baronis Conradi a Russenstein ab anno 1640. renovata speciosiorem induit formam, quam hodie ostentat. Cum Eremitarum Ecclesia venustate certat alia D. Josepho devota, & ab Eggenbergiis Principibus an. 1657. ejusdem pene Ordinis Religiosi, quos Difcalceatos vocant, una cum Cœnobia extructa Capucinorum Aſceterium cum sacra ejus Aede opus est Piætissimi Principis Ferdinandi Archidacis, postea Imperatoris hujus nominis secundi; in cuius fundamentis anno 1607, primum posuit lapidem Thomas Chrön Labacensis Antistes, absolutoque sequente ætate ædificio, celebrata est magna solemnitate consecratio, ad quam virgini hominum milia sub quingentis circiter vexillis ex Carniola, Styria, & Carinthia supplicationem instituerunt. Pauciores recente annos sacrarum Divæ Claræ Virginum Cœnobium ex Michaelis Hilleri, ad id relicta hereditate anno 1648. inchoatum. Eo demum locorum, ubi ante hortorum deliciæ Principum Auersperg, & Eggenberg cernebantur, nostra ætate fundatore Jacobo a Schellenburg amplissimum surrexit alterum Virginum D. Ursulæ Collegium cum Templo paris & majestatis, & elegantia SSS. Triadi dicato. Tempiorum seriem claudit omnium novissimum Divi Joannis Baptista, extra Teutonicam portam decem abhinc annis ære Jancifchia no excitatum.

XVIII.

Non modo sacris, sed etiam aliis tum publicis ædificiis, tum privatis quorundam Nobilium ædibus maxime post annum vigilium seculi labentis eleganter constructis, aut certe prioribus ad optimæ Architectonices leges instauratis, Labacensis Civitas illustratur: In Aula Ducali, ante Vicedominali dicta, hodie multis accessionibus aucta, non solum ærarium, & tabularium Principis conservatur, consilia coguntur, sed & ampla regiis administratoribus sufficitur habitatio. In domo Provinciali, præterquam quod litigantibus jura dicantur, suum etiam Provinciæ ministris domicilium patet, Optimatum coguntur Concilia, ex quatuor Ordinibus conflata, quorum primus constat sacrorum Ministris, Episcopis nimirum Frisingensi, Brixineni, Labacensi, & Petineni: tum tribus Religiosorum Praesidiibus, Sitticensi, Landstrasseni, & Vallis Jocose; Præpositis binis Labacensi, & Rudolphswerten: Commendatoribus ternis Labacensi, ac Metlicensi Ordinis Teutonici, & ad S. Petrum Meliteni; Decano item, & Canonicis exemptæ Cathedralis Ecclesie Labacensis. Secundus ex Principibus, Marchionibus, Comitibus, & Baronibus. Tertius ex Equitibus. Quartus demum ex Consule Labacensi, & undecim Ducalium Urbiū Judicibus. Est & sua Civibus Curia anno 1484. ædificata, & alteri sufficta, quæ anno 1297. erecta in veteri foro spectabatur. Pone hanc surrexit in foro publico an. 1751. fons elegans patrio e marmore a celebri statuario Francisco Roba effictus; e medio vasis, quod adfluentes undas finu suo excitat præalta exsurgit trigona Pyramis, ad cujus basim singula latera stipante tota.

totidem fluvii Labacus, Savus, & Corcora Carrariensi e marmore justa viri
altitudine effici, ex urnis, & piscibus, quibus insident, copiosam aquam de-
promentes. Terna præterea adfunt Armamentaria, ex quibus Cæsarum, &
Provinciale Arcis colli insident, ab aliis domiciliis sejuncta; tertium vero Cl-
vicum intra Urbe continetur. Extra Portam Aulicam conspirantibus incly-
torum Statuum Carniolæ studiis Cæsareis honoribus dicata est Domus perquam
magnifica anno superiore, theatralibus Iudis Augustos Hospites oblectatura; &
vero seu picturae artem, & elegantiam species, seu camerarum ordinem, & in-
signem apparatum contemplaris, seu in theatri affabre exstructi formam oculi
los conjicias, cuncta ad splendorem, & majestatem composita dilaudabis. Non
Suburbia tantum, sed & agri iis contigui elegancia ædificia peregrinis ostentan-
t: Principem ea inter locum tenet illud amplissimum, & ad omnes delicias
adaptatum, quod quindecim abhinc annis Excellentissimus Dominus Leopold-
dus Comes a Lamberg Carniolæ locum tenens, & supremus viarum Director
ab imis fundamentis excitavit, maxima sui parte perfecit, & Leopoldi quietem
compellauit.

XIX.

Res Provinciæ hujus militares non modicam subivere mutationem; anno e-
nim 1746. authore Principe Saxonie ab Hilburgshausen Militia Croati-
ca Præfecturæ Carolostadiensis, quæ ad hoc usque tempus Carniolæ Ducatus
stipendiis vixerat, & ad arcenos a Patria Turcarum insultus vigilare debuer-
rat, ceteris quibuscumque militum Germanicorum officiis exsequendis adaptata
fuit: quanto Reipublice totius incremento generosa loquuntur facinora, qui-
bus bello præterito inclita hæc gens suum Patriæ amorem constanter probavit.
Labacum fæpius, sed irritò conatu semper, tentarunt Turcæ, præferrim anno
1472. & ejusdem seculi 84. quibus in repellenda barbarorum audacia singulari-
ter eniuit generosa Labacenium fortitudo: Pari quoque virtute, & submissio
ex Austria milite roborata anno 1441. non modo elusa est Alberti Archiducis
obsidio, qui medium Austriacarum Provinciarum partem a Cæsare Friderico
IV. armorum vi expetebat, verum etiam ipse cum exercitu fugatus, castra
cum toto bellico apparatu victorum præda reliquit. Has omnes obsidiones
præcesserat alia ab Ottocaro Bohemiæ Rege an. 1269. Labaco admors. sed
non tam felici obsecris exitu terminata; obtenta enim Urbe Rex Philippum
Salisburgensem Episcopum, qui post fratri sui Udalrici Carinthiæ Ducis obi-
cum Carnioliam occupaverat, ad eam protinus deferendam coegit. Hæc de
Illustris hujus Ducatus Metropoli: reliquas per Provinci-
am Civitates alis lustrandas permittimus.

F I N I S.

